



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

LV. Erectio Congregationum S. Sabinæ, & S. Marci FF. Prædicatorum.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

1695.
Causa Con-
cessionis.

§. 1. Cum autem, sicut eadem expositio sub-
jungebat, tamen Jus hujusmodi multo magis
supradictæ Congregationi Fratrum Discalcea-
torum Hispaniæ, quæ (ut asseritur) non di-
versam, sed eandem cum prædicto Ordine
Sanctissimæ Trinitatis, cui, ut præfertur, eo-
dem Jure, uti concessum fuit, Religionem
constituit, & amplissimam privilegiorum com-
municationem sibi a piæ mem. Urbano PP. VIII.
Prædecessore pariter nostro anno 1634. concedi
obtinuit, competere videatur, nempe tam ex
privilegio sibi proprio quam vigore ejusdem
communicationis, nihilominus, ne ullus re-
linquatur de jure hujusmodi deputandi locus,
nec illud, quando se offert occasio eo utendi
in controversiam revocari contingat, inciden-
terque desuper accessorie disceptationis prin-
cipalis causæ decisionem impediant, dictus Petrus
Procurator Generalis ipsi Congregationi
Hispaniæ facultatem eligendi sibi Judices Con-
servatores tam pro Conventibus ipsius Congre-
gationis, quam pro bonis in Redemptionem
Captivorum impendendis competere, servata
tamen forma Constitutionum similis Clementis
Papæ VIII., & Gregor. Papæ XV. Prædecesso-
rum pariter nostrorum a Nobis declarari plu-
rimum desideret. Nos ipsius Petri Procura-
toris Generalis votis hac in re, quantum cum
Domino possumus, favorabiliter annuere vo-
lentes, eumque a quibusvis excommunicationis,
suspensionis, & interdicti, aliisque Ecclesiasticis
sententiis, censuris, & penis a jure, vel ab
homine quavis occasione, vel causa latis, si
quibus quomodolibet innodatus existit, ad effe-
ctum præsentium dumtaxat consequendum harum
serie absolventes, & absolutum fore cen-
sentes, supplicationibus ejus nomine Nobis su-
per hoc humiliter porrectis inclinari, de Vene-
rabilium Fratrum nostrorum dictæ Sanctæ Ro-
mæ Ecclesiæ Cardinalium negotiis, & consul-
tationibus Episcoporum, & Regularium præposi-
torum consilio, eidem Congregationi Fratrum
Discalceatorum Hispaniæ facultatem eligendi sibi
Conservatorem, servata forma Constitutionis dic-
ti Gregorii Prædecessoris, auctoritate Apo-
stolica tenore præsentium concedimus, & im-
partimur: Salva tamen semper in præmissis au-
toritate Congregationis secundo dictorum Car-
dinalium.

§. 2. Decernentes easdem præsentis literas,
semper firmas, validas, & efficaces existere, &
fore, suoque plenarios, & integros effectus
fortiri, & obtinere, ac illis ad quos spectat, &
pro tempore spectabit, in omnibus, & per om-
nia plenissime suffragari: Sicque in præmissis
per quoscumque Judices Ordinarios, & Dele-
gatos, etiam Causarum Palatii Apostolici Au-
ditores judicari, & definiri debere; ac irritum,
& inane si secus super his a quoquam quavis
auctoritate scienter, vel ignoranter contigerit
attentari.

§. 3. Non obstantibus Constitutionibus, &
Ordinationibus Apostolicis, cæterisque contra-
riis quibuscumque.

§. 4. Volumus autem, ut earundem præ-
sentium Literarum transumptis, seu exemplis,
etiam impressis, manu alicujus Notarii publici
subscriptis, & sigillo personæ in Ecclesiastica
dignitate constitutæ munitis eadem prorsus fides
ubique tam in Judicio, quam extra illud ha-
beat, quæ haberetur ipsis præsentibus, si fo-
rent exhibitæ, vel ostensæ.

Datum Romæ apud S. Mariam Majorem sub
Annulo Piscar. die XXIII. Aprilis MDCXCV.
Pontificatus Nostri Anno Quarto.

Eriguntur duæ Provinciæ Lombardiæ, & Ro-
mæ FF. Prædicatorum in duas Congrega-
tiones S. Sabinæ, & S. Marci cum nonnullis
Ordinationibus.

Const. ed. 1693. Octob. 20. P. 3. agitur de Studen-
tibus Provinciarum Congregationis Sancti Marci
Const. ed. 1696. Jul. 23. P. 5. de electione Lecto-
rum. Et Clem. XI. Const. ed. 1703. Martii 21.
P. 3. confirmatur dismembratio quorundam Cæ-
nobiorum a Provincia Germaniæ.

INNOCENTIUS PAPA XII.

Ad perpetuam rei memoriam.

AD Pastoralis dignitatis fastigium, nullo li-
cet meritorum nostrorum suffragio per inæ-
fabilem Divinæ Sapientiæ, atque bonitatis abun-
dantiam evecti, in id præcipue peculiari stu-
dio, summaque animi contentione incumbimus,
ut prospero, felicique Christifidelium in for-
tem Domini assumptorum, & Divinis obse-
quiis sub suavi Religionis jugo mancipatorum
statui, regimini, & progressui, quantum No-
bis ex alto conceditur, providere jugiter sa-
tagamus; ac proinde novas ejusmodi reli-
giosorum virorum Congregationes pro data
nobis cælitus potestate interdum instituimus,
sicut personarum, locorum, rerum, & tempo-
rum qualitatibus maturæ considerationis truti-
na perpensis, ad Omnipotentis Dei gloriam,
ad Religionis incrementum, spiritualemque
Christifidelium ædificationem, & animarum sa-
lutem in Domino expedire, arbitramur.

§. 1. Regularem itaque disciplinam in Pro-
vinciis Lombardiæ, & Romanæ Ord. Fratrum
Prædicatorum custodire, ac promovere, eam-
que quoad perfectæ maturitatis frugem, adspi-
rantè superni favoris auxilio, provecta, Eccle-
siam Domini uberioribus in dies bonorum ope-
rum fructibus lætificet, Apostolicæ benignitatis
favoribus excolere, ac felici infrascriptorum
Conventuum earundem Provinciarum, Fra-
trumque in eis degentium statui, & gubernio,
ac incremento salubriter consulere cupientes,
necnon eorundem Fratrum singulares personas
a quibusvis excommunicationis, suspensionis,
& interdicti, aliisque Ecclesiasticis sententiis,
censuris, & penis a Jure, vel ab homine qua-
vis occasione, vel causa latis, si quibus quo-
modolibet innodata existunt ad effectum præ-
sentium dumtaxat consequendum harum serie
absolventes, & absolutas fore censentes, de
Venerabilium Fratrum Nostrorum S. R. Ecclesiæ
Cardinalium, & dilectorum filiorum Romanæ
Curie Prælatorum super disciplina Regulari
specialiter a Nobis deputatorum consilio, ac
Motu proprio, & ex certa scientia, ac matura
deliberatione, nostris, deque Apostolicæ po-
testatis plenitudine, Conventus Sanctæ Sabinæ
de Urbe, Sancti Dominici Ravennaten. Sancti
Dominici Ferrarien., Sancti Dominici Civitatis
Sancti Severini, Sanctæ Crucis, & Omnium
Sanctorum Oppidi Boschi Dertonen., & Sanctæ
Catharinæ Oppidi, seu Loci Tridini Casalen.
respective Diocesis primodiæ: Necnon Sancti
Marci Florentin., Sancti Dominici Fesulan.,
& ejusdem S. Dominici Civitatis Sancti Minia-
tis, ac Hospitium Liburni Fisan. Diocesis, se-
cundo dictæ respective Provinciarum, eorumque
Fratres, & personas quascumque cum omnibus,
& singulis illorum membris, Juribus, & per-
tinentiis universis ab omni, & quacumque Ju-
risdictione, Superioritate, Correctione, Visita-
tione, Regimine, cura, & Gubernio dilectorum
filiorum modernorum, & pro tempore existen-
tium Priorum Provincialium earundem Pro-

LV.

Dat. 14. Junii
1695. An. 4.

Exordium.

Causa Ere-
ctionis.Motu pro-
prio dd. Pro-
vinciæ exi-
muntur a ju-
risdictione
Priorum Pro-
vincialium.

Preces Pro-
curatoris
Gen.

Concessio
præd. juxta
Constitutio-
nem Clem. X.

Clausulæ.

vinciarum tam in spiritualibus, quam in temporalibus tenore presentium perpetuo eximimus & plenarie liberamus.

Item eriguntur in duas Congregationes immediate subiectas Magistro, vel Vicario Gen.

§. 2. Ipsosque Conventus in duas novas primam nimirum sub Sancta Sabina utriusque Lombardia, secundam vero sub Sancti Marci Romanae respective Provinciarum eiusdem Ordinis titulis nuncupandas Congregationes, quae dilecto filio moderno, & pro tempore existenti Magistro Generali, sive eius loco in eadem Romana Curia pro tempore residentis Vicario Generali Ordinis huiusmodi immediate subiacere debeant, itaut in illas nulli alii ipsius Ordinis Superiores, praeterquam earum Vicarii, ceterique eorumdem Congregationum Praelati iuxta morem deputari soliti potestatem aliquam valeant exercere, motu, scientia, deliberatione, & potestatis plenitudine, ac tenore praefatis pariter perpetuo erigimus, & instituimus.

De vita communi juxta Conc. Trident.

§. 3. Ceterum in omnibus Conventibus de presenti spectantibus, & qui deinceps spectabunt ad dictas Congregationes sic a nobis erectas, & institutas, Fratres omnes ad Regulam, quam professi fuerunt, praescriptum exacte vitam instituere, & componere, atque illa, quae communem vitam, victum, & vestitum concernunt juxta Concilii Tridentini, ac fel. rec. Clementis PP. VIII. Praedecessoris nostri Decretorum tenorem fideliter, ac inviolabiliter observare debeant, & omnino teneantur.

De Vicario Gen. eligendo.

§. 4. Utrique vero Congregationi de idoneo Vicario Generali ex Fratribus alicujus ex Conventibus ejus Congregationis, cui is praesentendus erit, qui illam adjuvante Domino salubriter dirigere valeat, quique in Conventibus huiusmodi saltem per septennium exacte regularis observantiae specimen dederit, & quantum fieri potest alicui ex illis laudabiliter praesuerit, a Magistro Generali praefato biennio in biennium provideatur.

De Vicario in causa mortis.

§. 5. Quod si Vicarium sic institutum ante completum sui Vicariatus tempus ab humanis decedere contigerit, is qui Vicarii officio novissime functus fuerit, quatenus adsit, sin minus Prior antiquioris Conventus ejus Congregationis, quae suo Vicario, sicut praemittitur destituta remanserit, in omnibus, & per omnia deficientis Vicarii vices gerat, donec alter Vicarius a Magistro Generali supradicto fuerit institutus, teneaturque hic Pro-Vicarius statim de sequuta huiusmodi officii vacatione eundem Magistrum Generalem admonere, & ab eo novum Vicarium exposcere. Porro Vicarius pro tempore existens eandem prorsus jurisdictionem, & auctoritatem habeat in Conventus, & Fratres suae Congregationis, quam juxta Apostolicas, & dicti Ordinis Constitutiones Priores Provinciales habent in suis Provinciis. Possit quoque idem Vicarius quoscumque Fratres Ordinis supradicti undecumque venientes suscipere, & eisdem de Conventibus praefatae suae Congregationis per deputationem, vel assignationem providere.

De Vicarii auctoritate.

§. 6. Quod tamen Criminosis, juxta dicti Clementis Praedecessoris Decreta nullatenus prodesse poterit, non autem intelligantur iidem Fratres Congregationi huiusmodi incorporati, nec in Priores, aut Magistros Novitiorum institui valeant, nisi post quadriennium, eoque durante, si ad suos Conventus, vel Provincias redire voluerint, licentia eis abeundi libere concedatur. Praeterea nulli ex Fratribus dictarum Congregationum, sive intra eas habitum susceperint, sive aliunde per quadriennium, ut praefertur incorporatus fuerit, permittatur transire ad Conventus extra suam Congregationem nisi de licentia Vicarii, una cum Consilio sex graviorum Patrum ejusdem Congregationis, quae tamen licentia non facile detur, sed omnimoda

De Fratribus Congregationi se adscribentibus.

diligentia, & charitatis officia adhibeantur, ut abire volentes in suscepto vitae instituto confirmantur; quod si adhuc in discedendi voluntate permanerint, tandem dimittantur, ne aliis impedimento sint.

De Fratribus a Congregatione egredientibus.

§. 7. Decernentes easdem praesentes literas, & in eis contenta quaecumque in praemissis interesse habentes, seu habere quomodolibet praetendentes cujuscumque status, gradus, ordinis, praeminentiae, & dignitatis existant, aliive quilibet, etiam specifica, & individua mentione & expressione digni illis non consenserint, nec ad ea vocati, citati, & auditi, neque causa propter quas ipsae praesentes emanarint sufficienter adducta, verificata, & justificata non fuerint, aut ex alia quacumque quantumvis legitima, juridica, & privilegiata causa, colore, praetextu, & capite, etiam in corpore Juris clauso, nullo unquam tempore de subreptionis, vel obreptionis, aut nullitatis vitio, seu intentionis nostrae, etiam interesse habentium consensus, aliove quolibet etiam quantumvis magno, & substantiali, individuaque expressionem requirente defectu notari, impugnari, infringi, retractari, in controversiam vocari, ad viam, seu terminos juris, vel Constitutionum dicti Ordinis reduci, aut adversus illas aperiitionis oris, restitutionis in integrum, aliudve quodcumque juris, & facti, vel gratiae remedium suffragari, vel impetrari, aut impetrato, seu etiam motu, scientia, & potestatis plenitudine paribus concessio, vel emanato quempiam in iudicio, vel extra illud uti, seu se juvare ullo modo posse, sed easdem praesentes literas semper, & perpetuo firmas, validas, & efficaces existere, & fore, suosque plenarios, & integros effectus fortiri, & obtinere, ac illis ad quos spectat, & pro tempore quodcumque spectabit in omnibus, & per omnia plenissime suffragari, & ab eis respective inviolabiliter, & inconcussè observari, & adimpleri: Sicque, & non aliter in praemissis per quoscumque Judices Ordinarios, & Delegates, etiam Causarum Palatii Apostolici Auditores, ac S.R. Eccl. Cardinales, etiam de Latere Legatos, & alios quoslibet quacumque praeminentia, & potestate fungentes, & functuros, sublata eis, & eorum cuilibet quavis aliter iudicandi, & interpretandi facultate, & auctoritate iudicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 8. Non obstantibus praemissis, ac Constitutionibus, & Ordinationibus Apostolicis, necnon Ordinis, & Provinciarum, ac Conventuum huiusmodi aliive quibusvis etiam juramento, confirmatione Apostolica, vel quavis firmitate alia roboratis Statutis, & consuetudinibus, Privilegiis quoque, Indultis, & Literis Apostolicis, illorumque respective Magistro Generali, & Provincialibus, aliisque Superioribus, Fratribus, & personis quibuslibet sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis irritantibusque, & aliis in genere, vel in specie, seu alias quomodolibet in contrarium praemissorum concessis, confirmatis, & innovatis. Quibus omnibus, & singulis, etiamsi pro illorum sufficienti derogatione de illis, eorumque totis tenoribus, specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quavis alia expressio habenda, aut aliqua alia exquisita forma ad hoc servanda foret, illorum omnium, & singulorum tenores, formas, causas, & occasiones praesentibus pro plene, & sufficienter

Clausula.

expressis,

expressis, & insertis, servatis, & specificatis respective habentes, illis alias in suo robore permansuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 9. Volumus autem, ut earumdem præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides habeatur, quæ haberetur ipsis præsentibus si forent exhibitæ, vel ostensæ.

Datum Romæ apud Sanctam Mariam Majorum sub Annulo Pisc. die XIV. Jun. MDCXCV. Pontificatus nostri An. Quarto.

LVI.

Confirmantur quædam Decreta Capituli Generalis Monachorum Ord. Cluniacensis.

De reformatione horum Monachorum vid. Nic. IV. Const. ed. 1289. Sep. 12. P. 2.

Dat. 21. Junii
1695. An. 4.

INNOCENTIUS PAPA XII.

Ad futuram rei memoriam.

Exordium.

Pastoralis officii, quod auctore Deo gerimus cura animum nostrum sollicitat, ut promovende, atque excolendæ inter viros Religiosos Altissimi obsequiis sub suavi Monastica Vitæ jugo mancipatos regulari disciplina peculiari studio, summaque animi contentione incumbamus; ac proinde ea, quæ simili constituta, ac ordinata esse noscuntur consilio, ut firma semper, atque illibata persistant Apostolici muniminis præsidio libenter corroboramus, eoque tendentia illorum Superiorum in partem sollicitudinis nostræ vocatorum, ac præsertim sublimi Cardinalatus honore fulgentium vota paterna charitate exaudimus, sicut omnibus maturæ considerationis trutinâ perpensis ad Omnipotentis Dei Gloriam, & Religionis incrementum salubriter in Domino expedire arbitramur.

Insequentia Statuta condita fuerunt in Cap. Gen. 1693.

§. 1. Exposuit siquidem nobis nuper Vener. Frater noster Emmanuel Theodosius Episcopus Albanen. S. R. E. Cardinalis Bullionius nuncupatus Monasterii Cluniacen. totius Ord. Cluniacen. Capituli perpetuus Commendatarius, quod pro felici, prosperoque dicti Ordinis, ejusque Monachorum regimine, & directione nonnulla Statuta, seu Decreta in Capitulo Generali ipsius Ordinis, quod novissime videlicet anno 1693. in eodem Monasterio, ipso Emmanuele Theodosio Episcopo Cardinale, & Commendatario in eo præsidente celebratum est, edita fuerunt; quæ cum nobis pro parte ejusdem Emmanuelis Theodosii Episcopi Cardinalis, & Commendatarii exhibita fuissent, Nos illa mature, ac diligenter examinari, & revideri, ac ubi opus erat, corrigi, & aptari curavimus, unde reducta fuerunt in formam tenoris, qui sequitur, videlicet: Capituli Generalis Ordinis Cluniacensis anno 1693. celebrati Acta, & Statuta, anno Domini 1693., die Dominica II. Octobris post Pentecosten vigesima secunda.

Locus Diffinitorii, & Diffinitores.

Factæ fuerunt Diffinitiones sequentes, in Camera Diffinitorii, Monasterii Cluniacensis, & fuerant Diffinitores ii, qui sequuntur auctoritate Apostolica electi, & deputati: Præsidente Eno, & Rmo DD. Card. Emmanuele Theodosio a Turre Averniæ, Abbate Generali ejusdem Monasterii, & totius Ordinis, videlicet.

Reverendus Dominus Ludovicus de Nangis, Prior Major Abbatia, & totius Ord.

Reverendus Dominus Carolus de la Motte, Prior Claustralis Monasterii B. M. de Charitate, Sac. Theologiæ Professor.

Reverendus Dominus Hieronymus Cocquelin, Collegii Dolensis Principalis, & Comitatus Burgundia Vifitator.

Rev. Dom. Claudius de Vert, Thesaurarius Cluniacensis.

Rev. D. Odo Bernard. Prior Sanctorum Petri, & Pauli de Radolio.

Reverendus Dominus Eusebius de Combronne, Prior Claustralis Sanctor. Petri, & Pauli de Sylviniaco.

Reverendus Dom. Hugo Cleuzel, Prior Claustralis Sanctorum Petri, & Pauli de Coinciaco.

Rev. D. Antonius Tevein, Decanus, & Prior Claustralis de Moyraco.

Reverendus Dom. Joannes Henricus de Barbon, Prior, & Camerarius Abbatia Sancti Theofredi Monasteriensis.

Reverend. Dom. Ildefonsus Sarrazin, Prior Claustralis S. Martini a Campis Sacra Theologiæ Professor.

Reverendus Dom. Ludovicus Moureau, Prior Collegii Cluniacensis in Titul. Doctor in utroque Jure.

Rev. D. Stephanus de Nesmond, Prior Claustralis de Abbatis Villa.

Reverendus Dom. Joannes Baptista Gravier Prior Claustralis Sancti Marcelli de Sauzero.

Rev. Dom. Claudius Roland, Prior Claustralis de Thiziaco.

Reverendus Dominus Michael Petrus du Peray, Prior Claustralis de Nogento Rotrodi.

Auditores Causarum.

Rev. D. Paulus Rabuffon, Sub-Camerarius Cluniacensis.

Reverendus Dominus Benignus de Vert, Prior Claustralis de Lehuno in Sanguine Jerfo.

Auditores excusationum.

Rever. Dominus Jacobus de la Motte Prior Claustralis S. Dionysii de Carcere.

Rever. Dominus Joannes Marin, Prior de Sezanna.

§. 2. Spes, quæ differtur affligit animam, divino testante oraculo. Diffiteri sane non possumus eandem è dilato bono afflictionem, in maximum Spirituales lætitiæ argumentum converti, ubi illi, qui sitiunt justitiam, & ante omnia debent Regnum Dei querere, videant appropinquare tempus acceptabile, & dies salutis. Tunc enim sollicitudine non pigri, in restituendo pro viribus per Decreta Capituli Generalis Sac. Ordinis Cluniacensis anni millesimi sexcentissimi octogesimali quinti primævo nitore, & splendore, spe gaudentes jam sumus. Vox turturis audita est, vineæ dederunt odorem suum, flores apparuerunt in Terra nostra mox daturi fructus uberrimos, fructus pietatis, honoris, & honestatis. Nunquam porrò major fiducia cor nostrum ad bonum perficiendum accendere debet, quam dum videmus colligata, & inter se conglutinata, Sanctissimis concordia vinculis vota, & desideria Summi Dom. Nostri Innocentii PP. XII. & Regis vere angusti, vere magni, ut Emum Cardinalem Bullionium Abbatem nostrum, & caput totius nostræ Congregationis, auctoritate sua in restauranda disciplina Regulari Ordinis Cluniacensis adjuvent, faveant, & protegant. Is est Summus Pontifex, qui sollicitus, quomodo uni Deo placeat, evangelizat pauperibus, panem parvulis frangit, qui intelligit super egenum, & pauperem, qui surdo auris, claudo baculus, oculus cæco,

Procerium ex temporis opportunitate petium.